

1283, abril, 28.

*Les monges de Sant Daniel fan compromís amb Guillema de Bellestar, sotspriora, Raimunda de Cen, ià i Agnès d'Escala, perquè, junt amb l'abat de Sant Pere de Galligants, elegeixin abadessa.*

ASD núm. 260, perg. orig., 330 x 295 mm, carta partida.

Nouerint uniuersi quod ecclesia seu monasterio Sancti Danielis ordinis beati Benedictí que est sita iuxta ciuitatem Gerunde, abbatisse et prelate solacio destituta propter mortem bone memorie domine Berengarie condam ipsius monasterii abbatisse que migrauerat ah hac luce, die ad eligendum prefixa per priorissam et uniuersum conuentum monasterii antedicti uidelicet prima die mercurii post festum beati Marchi qua computabatur .III. kalendas madii anno Domini millesimo .ce. octuagesimo tercio, uocatis omnibus de ipso conuentu . qui uoluerunt et potuerut comode interesse et eisdem omnibus in capitulo dicti monasterii congregatis, placuit omnibus de conuentu super elecçione et prouisione future abbatisse et prelate dicti monasterii per uiam procedere compromissi. Unde nos Cecilia de Fuxano, priorissa et uniuersus conuentus monasterii supradicti, attendentes quod propter deffectum abbatisse et prelate possemus nos et ecclesia nostra siue mohasterium in spiritualibus ac temporalibus incurrere detrimentum et uolentes occurrere periculis animarum et indemnitatibus prouidere, · compromittimus in uos dominas Guilielmam de Belestar, subpriorissam, Raimundam de Ceruiano et Agnetem de Scala, · moniales nostri monasterii antedicti super hoc quod uice nostra etuestra possitis nobis et eidem monasterio de abbatissa et prelatade uobis ipsis uel aliis de nostra gremio eidem monasterio prouidere, de consilio et uoluntate uenerabilis patris et domini Petri, Dei gratiaabbatis Sancti Petri de Gallicantu Gerunde, ordinis antedicti, danteset concedentes uobis et dicto domino abbati iuxta iamdictamformam plenam et liberam et integrum potestatem eligendi, postulandi, preficiendi et prouidendi nobis et dicto monasterio deabbatissa et prelata de uobis ipsis uel aliis de gremio eiusdemmonasterii, de consilio et uoluntate domini abbatis superiusnominati, promittentes uobis quod illam habebimus et admittemus et reputabimus semper pro abbatissa et prelata nostra, quam uosomnes uel maior pars uestrum de consensu et uoluntate iamdictiabbatis uice nostra et uestra nobis et dicto monastèrio in abbatissamet prelatam nostram duxeritis eligendam, postulandam et preficiendam, et de qua nobis duxeritis prouidendum. Uolumus tamen quod hanc potestatem habeatis super omnibus et singulis supradictis hinc ad pulsacionem hore none ista die in dicto nostra monasterio et non ultra, et ut presenti pagine fides plenior adibeatur ubique, eandem subscriptionibus propriis nostrarum cuiuslibet quas hic apponi uoluimus et precipimus per notarium infrascriptum facimus et precipimus comuniri.

Quod est actum .nn. kalendas madii anno Domini millesimo .CCLXXX. tercio.

Sig+num Cecilie de Fuxano predicte, sig+num Agnetis de Solerio, sacristane, sig+num Berengarie de Trilia, cabiscole et operarie, sig+num Guilielme de Sarriano, camerarie, sig+num Frische de Torrente, pietarie, sig+num Blanche de Miniana, sig+num Sibilie de Sancto Cipriano, sig+num Richencie, sig+num Brunissendis de Cursauello, sig+num Pelegrine de Sancto Genesio, sig+num Sancie de Ceruiano, sig+num Geralde de Podiopardinarum, sig+num Elicsendis de Basilia, sig+num Bartholomee de Ciario, sig+num Guilielme de Aquilaro, sig+num Ermengardis de Uillacuto, sig+ num Garsendis de Matha, sig+num Alamande de Castayeto, sig+num Berengarie de Castro Episcopali, sig+num Beatricis de Capraria, dominarum monialium monasterii supradicti, que hoc firmamus et laudamus, firmarie rogamus. Eg+o frater Petrus, Sancti Petri de Gallicantu abbas, subscribo-1,. Testes huius rei sunt Dalmacius de Rechesendo, precentor Gerundensis, Guilielmus de Matha, canonicus et Guilielmus de Comellis, presbiter de capitulo Gerundensi et Arnaldus de Locustaria, canonicus Sancti Felicis Gerunde et Berengarius Mireti, capellani Sancti Danielis.

Sig+num Guilielmi Tarasconi, qui mandato Raimundi Ollarii de Palaciolo, notarii curie domini episcopi Gerundensis hoc scripsit. Ego Raimundus Ollarii (s. man.) de Palaciolo, notarius curie domini episcopi Gerundensis qui predictis omnibus et singulis presens fui et hoc scribi feci, subscribo.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 545-546